


十五

古今攷

三十四之六



				漢書門
一	二	三	四	
六	二	五	〇	
冊	架	函	號	類

庫文閣內			
〇		二	漢
七		七	書
函	一	〇	
九	冊	號	類
架			

內閣文庫		
番號	漢	2770
冊數	16	( 15 )
函號	307	132



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak








古今攷卷三十四

淺草文庫



宋·紫陽方 曰萬里續

明·上海王 圻洪洲較

四明謝三賓象三定

珍用八物 禮記八珍

鄭注珍謂淳熬淳母淳之純反母莫胡反炮豚牂擣

珍清熬肝管也 禮記淳熬煎醢加于陸稻上沃之

以膏曰淳熬注淳沃也熬亦煎沃煎成之以為名

淳母煎醢加于黍食上沃之以膏曰淳母注母亦曰





模模象也作此象淳熬取豚若將當作焗封之割  
之實棗於其腹中編雀以苴之塗之以謹塗謹本作  
堽音斤炮之塗蒸乾摩之濯手以摩之去其皴為稻  
粉糝溲之以為醢以付豚皴章善友糝息酒反溲所  
九反煎諸膏膏必滅之鉅鑊湯以小鼎薺脯於其中  
使其湯毋滅鼎三日三夜毋絕火而後調之以醢醢  
注炮者以塗燒之為名也將當作焗焗羊也封割  
博異語也謹當為堽聲之誤也堽塗塗有穰草也皴  
皮肉之上魄膜也糝溲亦博異語也糝讀游髓之脣

同薺脯謂煮豚若羊於小鼎中使之香美也謂之脯  
者既去皴則解析其肉使薄如為脯然惟豚全耳豚  
羊入鼎三日乃內醢醢可食也。紫陽方氏曰淳熬  
淳母炮豚炮焗六珍之四其厚於味如此淳熬淳母  
一則煎稻飯一則煎黍飯皆醢醢肉醬也單稻醬亦  
可漢醢彭越肉醬也漢筠醬今人海味稱魚子醬蛤  
蚶醬蟹醬皆鹽以成之單稻醬則麥豆和麵蒸煮和  
粟成醬黃調水下鹽曝以赫日凡美味煎熬無不用  
之古或以醢醢並言則今之醋與醬歟但古醢乃肉



法為之曲禮醢醬處內亦以醋醬並言淳熬淳母既  
煎皆次以膏猶今之米食以醬以膏煎飲熱飯猶湯  
也炮豚炮羊實棗其腹編萑塗堊既熟擘去皮膜實  
之棗小鼎寘之鑊湯或全或析三日三夜而後和以  
今之醋醬而後食之不亦勞乎不過棗肉與猪肉羊  
肉相入先炮後煮耳

擣珍取牛羊麋鹿之肉必豚每物與牛若一捶反側  
之去其餌熟出之去其馵柔其肉豚音每注豚脊側  
肉也捶擣之也餌筋腱也柔之為汁和也汁和亦醢

醢歟健其言其偃二反筋之太者。滌陽方氏以珍  
之五日擣珍以牛羊麋鹿膾脊側肉捶以柔之此乃  
今杭人巴鮓鋪所謂紅羊也今但用猪脊膾肉柔  
醢而風之臘乾為上呂兩府判閩時為回言買諸杭  
以猪臠裹而煮之彌潤且佳凡今巴鋪有鹿脯獐也  
肺鹿條及此紅羊也削而生食謂之削脯煨而筮之  
謂之捶脯鬆脯此云牛羊麋鹿膾之脊側肉却似易  
辨  
漬取牛肉必新殺者薄切之必絕其理甚諸美酒期



朝而食之以醢若醢醢為熬禋之去其馥編雀布牛  
肉為屑桂與薑以灑諸止而鹽之乾而食之施羊亦  
如之施麋施鹿施麇皆如牛羊欲濡肉則釋而煎之  
以醢欲乾肉則捶而食之。肝骨取狗肝一幪之以  
其清濡炙之舉燠其骨不蓼注背腸間脂取稻米舉  
糲波之小切狼臙膏以與稻米為醢背音遼蒙音幪  
醢讀為餐之然反臙音憶注狼臙膏臙中膏也以前  
稻米則似今膏糝矣此周禮醢食也糝與餐同又音  
贄。紫陽方氏曰以新殺牛肉薄切漬諸美酒朝而

食之今旋鮮鶩鮮取牛肉為之此一珍不難牛羊麋  
鹿麇之肉屑以薑桂或濡或乾而食之或今之肉旋  
鮮筭條巴皂角甦影戲巴椒醋炙巴以牛羊麋鹿麇  
肉為之何不可狗背幪肝燒食今北人羊脂裹脂燒  
而割亦佳稻果狼臙膏恐別是一物鄭注周禮飴食  
上文糝取牛羊豕之肉三如一小切之與稻米二肉  
一合以為餅煎之鄭注此周禮糝食附攷在後具醢  
人羞豆之賈

醢人羞豆醢食糝食



紫陽方氏曰周禮膳夫八珍引禮記內則書其物八  
珍中多糝食配食今却以周禮醢人羞豆之實配食  
糝食補之不取鄭可農說康成謂配餼也之然及肉  
則曰取稻米舉糝溲之小切狼臠膏以與稻米為配  
又曰糝取牛羊豕之肉三如一小切之與稻米二肉  
一周禮注有兩糝合以為餌煎之此醢人朝事饋食  
米字今去一加豆羞豆肆豆之末一豆也附此

醬用百有二十甕。醢人醢人各六十甕。四豆

之實

紫陽方氏曰注醬謂醢醢也如此則醬乃醢醢之總  
名歟今之世醬自是醬醢自是醢醢以肉汁鹽料或  
魚或肉或骨海物以物醢之不常有周人之制難以  
強通存其名數以考其古耳注又謂王舉則醢人共  
醢六十甕以五莖七醢七道三醢實之醢人共釐道  
醢物六十甕。醢人掌四豆之實注醢肉汁也。朝  
事之豆韭道醢醢昌本麇麇菁道鹿麇茄道麇麇注  
昌本昌蒲根切之四寸為道三麇亦醢也作醢及麇  
者必先膊乾其肉乃後莖之雜以梁麴及鹽漬以美



酒置瓶中百日則成矣鄭司農云麩麩鹿肝醢醢或  
曰麩麩醬也有滑為麩無骨為醢菁菹菹鄭大夫  
讀菹為茅謂茅初生或曰茅水艸杜子春讀菹為卯  
玄謂青蔓青也菹鳧葵也凡菹醢皆以氣味相成其  
水米閘回謂韭菹菹菹也醢麩鹿麩肉饌也以  
一物配一物取其氣味相成鄭康成謂其水米閘則  
回亦無所容其攷矣竊謂朝事八物八豆也饋食八  
物八豆也如豆八物八豆也羞豆二物則二豆乎計  
此二十六物合用二十六豆乃豆實也王舉則共醢

六十甕以五齊

注作

七醢七菹

三麩實之今組筭此

乃二十二物合配食糝食為二十四次二豆之實豆  
之付又以此等物為六十甕并醢人為百二十甕宗  
廟祭祀用之燕饗賓客用之王日一舉用之王之所  
食不止於食前五丈也。饋食之豆葵菹羸醢脾折  
廔醢蜃蚘醢豚拍魚醢法羸蜺蚶蜃大蛤蚘蚘子鄭  
司農云脾折牛百葉蠶蛤也鄭大夫杜子春皆以拍  
為脾謂脅也或曰肩也今河間名豚脅聲如鍛轉回  
謂羸當如冷螺周豐錫之地所生豈必皆甲於天下



必取諸九州四海如海邦螺之類不一何必曰蠃蚶  
乃今之蠃牛莊子所謂左右角觸蠻氏者其可以為  
醢醬乎今兩浙螺大小幾百種以為醢可勝算此八  
物不均以魚對肉魚則周之涇渭灞滻大陂澤黃河  
上流當有之不減東南荆揚州也。加豆之實芹菹  
火醢深蒲醢醢菹菹魚醢曰謂此四醢易  
曉芹楚葵也鄭司農云深蒲蒲菹入水深故曰深蒲  
或曰深蒲桑耳落水中魚衣玄謂深蒲蒲始生水中  
落筍蒟筍竹蒟芹音勤說文作筍音謹落音治又徒

來反走改又之二切不可用芹曰嘗食之生按用酸  
醋鹽亦可口深蒲蒲菹之說得非今之吳中若茨艸  
蕩者乎岑參詩菹蒲深處疑無地忽有人家笑語聲  
菹者今茨菹也大有小上開花小結菹子而或者  
以今交白為菹臂杜詩波飄菹米又冷秋菹各一物  
菹蒲不能成頃畝有絕細者大者今端午用之菹蒲  
深處皆茨草蕩則蒲菹之謂乎今人以海上草織藍  
席者為帆曰蒲帆為鞋曰蒲鞋席曰蒲席則蒲菹之  
說通落當是今水中苔折人食苔脯不一類鄭司農



云水中魚衣妙康成謂筍萌則若筍竹之笋筍今  
通用筍竹萌三字奇康成謂五齊昌木脾折蜃豚拍  
溼蒲也齊子西反非酒正之五齊七醢醢羸蠃蛇魚  
芘屬也七菹韭菁茹葵芹筍筍也三醢麇鹿麇也凡  
醢醬所和細切為齏全物若豕為菹少儀曰麇鹿為  
菹野豕為軒皆豕而不切麇為辟鷄豕為芘脾皆豕  
而切之切葱若薤實之醢以柔之由此言之則齏菹  
之稱菜肉通。羞豆之實配食糗食前已見。醢人  
掌共五齊七菹凡醢物玉舉則共齊菹醢物六十瓊

其說畧

朝事饋食加羞之說籩人四籩之實 司尊彝

朝踐朝獻再獻饋獻

鄭司農云朝事謂清朝未食先進口食康成以司尊  
彝之職參之朝事謂祭宗廟薦血腥之事。饋食薦  
熟也今古禮存者特牲少牢諸侯之大夫士祭禮也  
不畧不薦血腥而自薦熟始是以皆云饋食之禮。  
加籩謂尸既食后亞獻尸所加之籩。羞籩謂若少  
牢主人酬尸宰夫羞房 之羞于尸伯主人主婦皆



羞之也。蔡陽方氏曰此籩人肆籩所注也。鄭司農  
朝事之說人子朝事其親之禮也。康成謂之宗朝薦  
血腥之事其詳見司尊彝注。今具于后。司尊彝春  
祠夏禴裸用鷄彝鳥彝皆者。舟其朝踐用兩獻尊其  
再獻用兩象尊皆有罍。秋嘗冬蒸裸用斝彝黃彝皆  
有舟其朝踐用兩著尊其饋獻用兩壺尊皆有罍。凡  
四時之間祀迫享朝享裸用虎彝雉彝皆有舟其朝  
踐用兩泰尊其再獻用兩山尊皆有罍。鄭注裸謂以  
圭贊酌鬱鬯始獻尸也。后於是以璋瓚酌亞裸既灌  
然後迎牲致陰氣朝踐謂血腥酌醴始行祭事后於  
是薦朝事之豆籩既又酌獻變朝獻為朝踐者尊相  
因也。朝獻謂尸卒食玉酌之再獻者玉酌尸之後后  
酌亞獻諸臣為賓又次后酌盞齊備卒食三獻也。於  
后亞獻肉宗薦加豆籩其變再獻為饋獻者亦尊相  
因饋獻謂薦熟時后於是薦饋食之豆籩此凡九酌  
玉及后各四諸臣一祭之正也。回考之朝事朝踐朝  
獻也。雖薦血腥有燔臠胥肝之事尸食此也。饋食  
薦熟又再燔之故有炳蕭合黍稷之說羞籩主人酬



尸宰夫羞房中之羞于尸佑主人主婦羞尸也佑尸者必主人也主婦也宰夫以房中之羞羞之鄭以此解羞籩之實所羞者糗餌粉粢也朝事饗饔饗也饗音逢字從麥故知為饗麥黃符文反饗麻也子夏喪服傳白苴麻之有黃者曰見今藥舖有之曰麻仁熟藥有麻仁圓白熟稻也黑熟黍也爾雅有黑秬黍故以黑為黍因以白為稻形塩筴塩為虎形也春秋傳曰塩虎形李秀嵩謂師中之說近是康成以為塩之似虎者殆非也曰謂堆散塩於器似不雅故飾為虎

形周公作此禮必有所本否則見戲耳今釋奠有此虎形塩膳火與反膳魚為大饗也膳章涉反或曰豕肉也鮑乾魚也或曰魚包也鱠所求反乾魚之折者也以上凡八物凡八籩。饋食棗也棗也桃也乾藕也藕音老梅乾也榛實也凡五物鄭氏又曰有桃諸梅諸肉則之文也。賈氏曰桃梅有乾濕則棗中亦宜有乾濕通為八物八籩。加籩菱芡脯臬重言之者以四物為八籩菱古稱菱今菱角芡今鷄頭臬古栗字鄭康成謂栗與饋食



同鄭師中謂粟脯當作脯修饋食之粟肉脯薄切者肉修醯之而施薑桂者醯之菜反。羞籩糗餌粉餐餌粉稻而合蒸之粉餐粉稻而為乾饊李秀嵩從康成不從師仲糗熬大豆與米粉豆屑亦不從此四物字兩物字亦八籩四籩乎豆法當各三十二豆三十二籩

六尊六彝每罍之數

鄭司農之舟尊下臺若今時承槃獻讀為犧犧尊飾以翡翠象尊以象鳳凰或曰以象爵飾尊明堂位曰

犧象周尊也春秋傳曰犧象不出門尊以裸神罍臣之所飲也詩曰瓶之罄矣維罍之耻筆讀為稼稼彝畫木稼也黃彝黃目尊也明堂位曰夏后氏以鷄彝殷以斝周以黃目爾雅曰彝白罍器也著尊者罍尊也或曰著尊著地無足明堂位曰著殷尊也壺者以壺為尊春秋傳曰尊以魯壺迨享朝享謂禘祫也在四時之間故曰間祀雖讀為蛇虺之虺咸讀為公用射年之雉大尊大古之瓦尊山尊山罍也明堂位曰泰尊有虞氏之尊也山罍夏后氏之尊也故書踐作



饑杜子春云饑當為殘玄謂黃目以黃金為目郊特  
牲曰黃目鬱氣之上尊也黃者中也目者氣之清明  
者也言酌於中而清明於外追享謂追續遷廟之主  
以事有所請禱朝享謂朝受政於廟春秋傳曰閏月  
不告朔猶朝於廟雖馬屬印鼻而長尾山豎亦刻而  
畫之為山雲之形。紫陽方氏曰此春官之屬也回  
者論天官二十四官王曰膳飲祭祀賓客牲牢鼎俎  
豆籩之事及於朝事饋食加籩豆之數則不容不書  
六尊六彝舟罍之所以然云。

王日一舉鼎十有二物皆有俎。右與王同庖  
王日一舉鼎十有二物皆有俎注殺牲盛饌曰舉王  
日一舉以朝食也后與王同庖鼎十有二牢正鼎九  
陪鼎三物謂牢鼎之實亦九俎正義曰言王日一舉  
者謂一日一太牢鼎十有二者按郊特牲鼎俎奇而  
籩豆偶者謂正鼎九陪鼎三即是奇數摠而言之即  
十二云皆有俎者俎據正鼎而鼎各一俎。紫陽方  
氏曰正鼎九陪鼎三其曰牢鼎之實其馬牛羊豕犬  
鷄王之膳用六牲六鼎乎魚不入鼎入庶羞腊一鼎



乎馬牛羊腸胃一鼎乎祭肺奠於何處用何鼎鑊以  
為饌烹奠之而後升於鼎由鼎升之俎此九鼎而九  
俎也臠脚饒牛羊豕之臠不升俎者陪鼎三者此物  
也升之豆在庶羞之列先儒論王膳多言太牢牛也  
不言殺馬何也一日三食言日一舉者指殺六牲而  
言也言王不言后者知后與王同庖也

王齊日三舉三太牢朔食兩大牢

王齊日三舉釋曰齊謂散齊致齋必變食故加牲體  
至三

太牢按玉藻曰朔食加日食一等則於此朔食當兩  
太牢。紫陽方氏曰王膳用六牲馬為首牛羊豕次  
之今但言一舉為一太牢三舉為三太牢或兩太牢  
不言馬何也豈馬亦太牢乎王齊之日二太牢如盛  
饌此近世齊輒不食肉用僧徒之說菜茹終日豈禮  
乎

不舉有二如後世避殿  
減膳徹樂

大喪大荒大札天地有裁邦有大故則不舉大荒凶  
年大杜喪癘天裁日月晦食地裁崩動大故寇戎之



事鄭司農云大故刑戮也春秋傳曰司寇行戮君為之示舉。紫陽方氏曰不舉之說有二不殺牲一也不聽樂二也王膳用六牲以樂侑食盛其饌而備其音王齊則不侑食以樂而加三舉如凶年之類則不殺牲如刑人之類則不聽樂如後世人主下詔避殿減膳徹樂也

王以樂侑食

義以樂侑食卽是王制云天子食日舉以樂按論微子云亞飯三飯四飯鄭云此舉食之樂彼諸侯

禮尚有舉食之樂明天子日食當有舉食之樂可知按大司樂云王大食皆令奏鐘鼓彼大食自是朔食日舉之樂無妨日食自有舉食之樂。紫陽方氏曰然不知王食之侑果何樂也

王藻周禮宰食之異

趙商河康成王日一舉鼎有十二是為三牲備焉王藻曰天子日食少牢朔月太牢禮數不同請聞其說鄭答禮記後人所集據時而言或以諸侯同天子或以天子與諸侯等禮數不同難以據也周禮周公太



法玉藻據衰世或是異代故與此不同。紫陽方氏曰正義中有趙商與康成問答此其一也禮記出於漢儒王制尤多舛刺不但玉藻也明堂儀之誇魯謂君臣未嘗相弑禮樂刑法未嘗相變然魯弑三君士有誅始莊公婦人鬻而弟始臺駘豈不誣哉周禮一禮亦何可盡信出於劉歆之手五帝之說因秦西時始於漢高祖曰待我而五故漢人必祀五帝尚書注上帝偽為孔安國傳者亦曰五帝皆漢俗儒泥於目之所見也可疑指者不一可盡信乎月令五帝宮不華之書附會世俗偽孔安國書傳朱文公謂魏晉間人所為吾輩讀書當具法眼

膳夫授祭品嘗食王乃食

膳夫授祭品嘗食王乃食註祭謂剝肺脊也禮飲食必祭示有所先品嘗每物皆嘗之正義曰玉藻曰火熟者先君子鄭注云備火齊之不得也故膳夫品物皆嘗之王乃食。紫陽方氏曰曲禮有云殷之序備祭之膳夫授王以所當祭之物天子至尊也不可廢祭而使之自取剝肺剝脊於俎不可也故膳夫授



天子至尊也養之不可不慎也品嘗其食王乃食不  
但謂人齊之不得也許世子止不嘗藥書為弑與地  
地墳與犬犬斃與小臣小臣斃所防微矣

日中夕食奉餘膳祭牢肉

王燕食則奉膳贊祭注燕食謂日中與夕食奉膳奉  
朝之餘膳所者牢祭肉。紫陽方氏曰日中而餽即  
朝之餘食也玉藻天子與諸侯相互為三時食天子  
膳用六牲馬牛羊豕犬鷄庶羞百三十品分為一日  
三時之食與后同庖釋禮者謂燕食者日中食與夕

食是也祭牢肉以明日中食夕食但祭牢肉而祀殺  
不徧祭也曰牢肉者三時所食皆肉也下文王稍事  
設薦脯醢先鄭意謂朝食日中食之後間食則薦脯  
醢後鄭不然玉藻諸侯猶云深衣祭牢肉則天子夕  
食牢肉可知曰以此一事旁證之天子夕食祭牢肉  
與諸侯同

凡王之稍事設薦脯醢

凡王之稍事設薦脯醢。紫陽方氏曰正義非先鄭  
是後鄭今攷王昭為解曰謂之稍食則禮節之畧者



鄭氏謂小事而飲酒是也。故膳夫設薦脯醢而已。腊人醢人之物。曰以為王。一日三時食。或遇小事飲酒。則不必備牲。凡可以薦酒者。隨宜而已。

王燕飲酒則為獻主

鄭司農云。主人當獻賓。則膳夫代王為主。君不敵臣也。燕義使宰夫為獻主。臣莫敢與君抗禮。紫陽方氏曰。王昭禹解謂王之於羣臣。有饗有燕。饗以訓恭。儉燕以示恩惠。意以謂惟燕禮。王以膳夫為獻。王為饗。饗於廟。燕於寢。禮因不同。天子諸侯皆若無親酌。

其臣之禮。侯伯來朝有三享。二燕。三食。若饗則不以膳夫為獻主。可予饗禮。非必饗諸侯。如饗庶子。饗蒼老。孤子皆可饗也。豈可屈天子親酌以饗之。則恐饗禮亦以膳夫為獻主也。天子饗燕食禮俱亡。然小雅正二十二篇。自鹿鳴至菁莪。天子與功臣諸侯。卿大夫士學校。故舊朋友。燕饗之樂章。俱在同嘗次序之。就發明各詩之義。附諸此卷之後。拘於饗禮。不設膳夫為獻主。恐不可也。

禮酒燕飲酒之異



酒正共賓客之禮酒。此王之燕飲酒共其計。然  
陽方氏曰鄭注禮酒王所飲酒也其燕飲酒但注云  
共其計者獻酬多少度當足也無禮酒飲酒之異王  
昭寓解始謂禮酒謂致饗於賓客之酒饗以訓恭儉  
爵盈而不敢飲為禮而已燕以示慈惠以恩為主故  
燕飲則取醉而已不若饗之為有節然亦當防其過  
焉故共其多寡之計曰謂此說恐未然姑存之饗士  
庶子者者孤子亦日享豈可謂之禮酒王燕羣臣而  
酒正計多寡與王后飲酒不會違矣

古諸侯無饗君之禮春秋鄭伯饗周惠王

禮記郊特牲正義天子無客禮莫敢為主焉君適臣  
升自作階臣不取有其室臣既不敢為主則饗君非  
禮春秋之時則有諸侯饗天子故莊二十一年鄭伯  
饗王于闕西辟樂備亂世非正法也。紫陽方正曰  
魯莊公十七年周惠王即位春秋之第五王也武王  
至幽王十二王而平王東遷桓王倍莊王而惠王  
魯莊二十二年王子頹之難鄭伯與親叔納任鄭伯  
將王自闕門入親叔自北門入殺王子頹及五大夫



鄭伯享王於闕西辟樂備亂世王與之武公之畧虎  
牢以東又以后鞮鑑與之王巡視守瓊公為玉宮于  
蚌王與之酒泉鄭伯由是惡於王矣鄭伯者鄭厲公  
突也突立二年而出奔為鄭昭公忽所逐昭公立二  
年又子亹立二年子儀立十四年突在外十七年再  
入為君又七年卒其卒之年即饗王之年也厲公突  
雖有功於惠王非賢君也輒廢古禮而饗王自厲公  
始惠王雖能克王子頽而欲立子帶非明君也故屈  
已受諸侯之享自周惠王始非賴齊桓公立其子襄

王周室不知所為矣

附論天子下堂不下堂

正義釋天子無容禮按覲禮天子負辰依南面侯氏  
執玉入是不下堂見諸侯也若春朝夏宗以容禮待  
諸侯以車出迎熊氏云春夏受三享之時乃有迎法  
義或然也故齊僕云各以其等為車送迎之節注節  
謂王乘車迎賓客及送相去遠近之覲。紫陽方氏  
曰覲禮亦下堂而迎諸侯自周衰王始周禮齊僕有  
朝宗下堂以車迎送之節正義有或然之疑則周禮



之不可信者多矣

饗禮亡孔氏約大射燕禮解大宗伯饗燕攝王

裸賓客

禮記郊特牲賓入大門而奏肆夏示易以敬也卒爵而樂闋孔子屢漢之孔氏曰饗禮既亡無可憑據今約大射禮燕禮解奏樂及樂闋之節鄭注賓入大門謂朝聘之禮行朝聘既畢燕則大門是寢門也饗則大門是廟門也卒爵而樂闋者賓至庭樂作及至主人獻賓賓受爵啐酒拜告旨而樂止賓飲訖酢主人

主人受酢畢主人獻公而樂作公飲卒爵而樂止是卒爵而樂闋也此卒爵謂賓飲作樂卒爵則樂止諸侯稱公稱王君飲則作卒爵則樂止宰夫之為主人者受酢而飲則樂不作無作則無止依大射禮主人受酢不作樂也曰畧改若其享時主君親獻賓賓親酢主君賓主俱作樂也孔子屢歎此禮之美也。祭陽方氏曰曰疑天子饗求朝諸侯亦必有待之酌酒以獻賓者如諸侯燕賓禮宰夫為主人天子則膳夫為主人今孔氏論享謂主君親獻賓賓親酢主君為



諸侯饗異國卿之禮推而上之天子之享來朝者  
不設主人乎李心傳三禮辨謂燕飲酒則膳夫為主  
饗則王自主之語在大宗伯職回以大宗伯職考之  
以賓禮親邦國之下正文與注中並無王自為饗主  
之文以飲食之禮親宗族兄弟以冠昏之禮親成異  
女以賓射之禮親故舊朋友以饗燕之禮親四方之  
賓客此四禮皆用酒無王自為饗主之文讀至大賓  
客攝而載果康成注曰載為也果裸也讀為裸裸賓  
客以饗君燕酌之禮言為者攝酌獻再拜送則至

也鄭師仲司農云王不親為主曰謂大賓客王饗之  
也燕之也今此文不言膳夫為主人康成乃為大宗  
伯代王裸賓客以饗又曰君無酌臣之禮又曰攝酌  
獻師仲又曰王不親為主則不知李心傳所謂饗則  
王自主之語在宗伯者果何所據乎有大宗伯大賓  
客則攝而載裸之文李心傳所謂檢索不見其語孔  
氏所謂饗時主君親獻賓賓親酢主君亦不知何所  
據也

饗燕食酒主人之疑



紫陽方氏曰饗禮酒不飲未見誰為主人周禮有  
大宗伯攝裸燕禮酒成禮而爵無算王膳夫為主侯  
宰夫為主食禮設酒于觶不飲不設主人鄭氏以禮  
酒為饗燕之酒王光遠王介甫皆以為禮酒饗也飲  
酒燕也李心傳引春秋傳曰公當饗卿當燕王室之  
禮也心傳謂由是言之饗燕皆謂之禮不得分而為  
二矣回疑文王時未有天下鹿鳴以下二十二詩有  
文王燕饗之詩有武王成王燕饗之詩文王為西伯  
可以享來朝之虞芮及諸侯與諸侯之卿矣不然則

用燕禮而已王燕禮用膳夫為主人周公之制也文  
王未為王也則無此禮武王成王時始有此禮乎彤  
弓錫有功諸侯曰一朝饗之此饗禮也異於燕裸不  
設主人而天子親酌之乎然君無酌臣之禮康成言  
之王不自為主師仲言之大宗伯大賓客攝裸周禮  
書之回覺饗燕恐不甚相遠饗於廟燕於寢燕有膳  
夫之主人則饗亦當有之大宗伯之攝裸非乎諸侯  
饗列國之卿如晉侯享叔孫穆叔歌肆夏繁遏渠不  
拜歌文王之三不拜歌鹿鳴之三始三拜此饗禮也



必不出三獻而成禮也。有主君有賓有介必有主人。昭六年季武子晉人饗之辭五獻而三獻。昭元年鄭人饗趙孟五獻。所謂五獻者豈可晉君一一親酌乎。天子饗侯伯九獻。天子親酌酒至九不亦勞乎。饗燕一也。膳夫為主人恐亦一也。大宗伯攝裸推之則大宗伯亦可代酌獻也。天子有饗士庶子之禮有饗孤子耆老之禮必有主人。湛露之燕蓼蕭之燕鹿鳴之燕伐木之燕皆有主人。則彤弓之享必亦有主人。回不敢曲徇先儒之臆說也。

卷三十四終

古今攷卷之三十五

宋 紫陽方 回 萬里續

明 上海王 圻 洪洲較

四明謝 三賓象 三定

骨體之數。豚解七體。體解二十一體。骨折

曰敬。香禋禘郊之事有全香。王公立飲有房

香親戚燕飲有敬香。士喪禮有豚解。虞燕

用豚解體解。天子諸侯正祭有豚解體解

。大夫士有體解無豚解。二穀不薦神及



兩脾不升主人主婦俎。膾不升喪祭之俎。

陳祥道禮書周禮王之牲事家宰大夫贊之五官共

奉之內饗外饗割烹之司士帥其屬而割羞諸脊正

其牲體。前脛骨二肩臂膈也。膈音獠奴到反肩後

脛骨三牝音亦作膊駘亦作駘駘音十虞韻不收脊

骨三正脊脰脊橫脊也脅骨三代脅長脅持牲亦短

脅也正脊之前則膾也。亦謂脰之上則脾也然則左

右肱之肩臂膈與左右股之肱駘駘而為十有二脊

骨三與左右脅骨六而為九二穀正祭不獻神尸主

人之俎兩辭不升於主人主婦之俎膾不升喪祭之

俎則祭之所用者去髀膾而二十有一去二穀而為

十九矣國語曰禘郊之事則有全脊王公立飲有房

脊親戚燕飲有後脊則全脊豚解也房脊體解也穀

脊骨折也士喪禮特豚四髻去蹄兩胎也脊膈既久

鼎實羊左胖豕亦如之然則四髻者殊左右肩髀而

為四又兩胎膈一脊而為七此所謂豚解也士喪禮

畧豚解而已至虞然後有豚解體解禮運曰腥其俎

熟其穀體其犬豕牛羊腥其俎謂豚解而腥之為七



體熟其俎謂體解而爛之為二十一體大夫士有體  
解無豚解以其無朝踐獻腥之禮故也

陳祥道不解殺晉以豚解為金晉可疑。士喪  
禮豚四解士喪禮未葬五奠。小斂之奠陳  
一鼎大斂陳三鼎豚合升。月朔奠如大斂  
禘郊雖先有金晉後有豚解體解陳祥道所  
以可疑鄭康成亦不解殺晉。禮疏亦不解  
殺晉

儀禮士喪禮第十二陳一鼎于寢門外其實特豚四

鬻去蹄兩胎脊肺設扁鬻西鄰康成註四解之殊肩  
髀而已喪事畧又下文奉尸俛于堂入奠載兩髀于  
兩端兩肩亞兩胎亞脊肺在于中皆覆進祗棺入升  
棺陳三鼎于門外北上豚合升魚鱠鮓九腊左胖髀  
不升康成注合升合左右體升于鼎合升四鬻亦相  
互耳。正義曰此為小斂奠陳之鬻四解之殊肩髀  
而已喪事畧者凡牲體之法有三一者四解而已此  
經直云四鬻即云去蹄明知殊肩髀為四段案士冠  
禮若殺則特豚載合升注云合左右胖此下文大斂



亦云豚合升則吉凶之禮皆合升而鄭云喪事畧者  
低喪中之奠雖用成牲亦四解故既夕葬奠云其實  
羊左豚豕亦如之是以鄭總釋喪中四解之事故云  
喪事畧若禘郊大祭雖居喪亦先有豚解後為體解  
是以禮運云腥其俎謂豚解而腥之熟其斝謂體解  
而燭之國語亦云禘郊之事則有全脊王公立飲則  
有房脊一作俎親戚燕飲則有斝脊者若然禘郊雖先  
有全脊後有體解豚解禮運所云者是也此經云四  
鬯并兩胎骨與脊總為七體若豚解皆然也。紫陽

方氏曰儀禮䟽解國語全脊云禘郊雖先有全脊後  
有晉解體解如此則陳祥道以豚解七體為全脊可  
疑也士喪禮有襲奠脯醢醢酒小斝一鼎豚大斝三  
鼎豚魚腊朔月奠三鼎如大斝七月半不殷奠有薦  
新如朔奠謂薦五穀若時果物新出者士喪禮未葬  
有五奠既夕禮則喪禮下有葬禮也斝晉二字鄭康  
成賈公彥陳祥道並不解

特牲饋食骨體之數尸俎九體有併骨二為十

一。魚十有五之說視俎三體加可併者云



。阼俎主人俎五體併二。主婦俎敵折餘  
如主人。佐食俎三體賓鶩不可曉。長兄  
弟及宗人折中賓有公有司私臣皆敵管

特牲饋食禮第十五注祭祀自熟始曰饋食饋食者  
食道也。宗人視牲告充正作豕。風興視側殺視

之明牲。鼎魚鼎腊鼎。所俎心方之俎。所敬也所  
以敬尸。按祭尸取菹煠于醢。尸祭黍稷肺以肺

。啐酒告旨。尸祭釔告旨釔肉味之。尸振祭舉  
肺臠之。乃食食舉食謂食肺。主人羞所俎。尸

三飯者三。按特牲記云尸俎右肩臂臠胙正脊

三骨橫脊長脅二骨短脅注尸俎神俎也士之正祭

禮九體賤于大夫有併骨二亦得十一之名合少牢  
之體數奇膚三離肺一割肺一注離肺猶擿也小而

長午割之亦不提心謂之舉肺割肺為尸主人主婦

祭魚十有五注魚水物以頭枚數陰中之物取數于  
月十有五而盈腊如牲骨。祝俎髀脰脊二骨脅  
二骨注凡接于神及尸者俎不過牲三體以特牲約  
如其可併者二亦得奇名少牢饋食禮羊豕各三體



膚一離肺一。胙俎主人臂正脊二骨橫脊長骨二

骨短脅膚一離肺一注主人尊欲其體得祝之加數

五體又于其可併者二亦得奇名臂左體臂。主婦

俎或折其餘如胙俎注殺後足折分後右足以為佐

食俎不分左膈辟大夫。佐食俎殺折脊骨膚一離

肺一注三體卑者從正。賓路注左路也賓俎全體

尊賓不用尊體為其已甚卑而全之其宜可也。長

凡弟及宗人折其餘如佐食俎注長兄弟及宗人折

不言所分畧之。衆賓及衆兄弟內賓宗婦若有公

有司私臣皆殺皆膚一離肺一注又畧此所折骨直

被折餘體可看者升之俎一而已不備三者賤公有

司亦士之屬命於君者私臣自己所辟除者。賈公

彥正義曰長兄弟及宗人折注長兄弟及宗人折不

言所分略之衆賓及兄弟內賓宗婦若有公有司私

臣皆殺皆注又畧又畧者上文長兄弟及宗人折不

言所折骨體已是畧此又不言折而言殺皆言此所

折骨值有餘體即破之可也。紫陽方氏曰牛羊豕

皆有二十一體尚有兩髀與膈不在數據所云長兄



弟及宗人折康成不明言所折之骨體為何物乃二  
十四體之餘字其于敬昏則云此所折骨直破折餘  
體可敬者升之俎一而也不備三者如此則與前之  
名折者皆解體二十四好物之外零殘骨肉一人得  
帶肉一骨以食也使敬昏果如此則士會所問之敬  
脊乃周定王以饗之者果如此薄乎陳祥道謂肩臂  
臑膊胎之骨不可以折所折者脊脅也少牢脊則先  
正脊脅則先短脅以屈而紆之故也回謂如此則脊  
骨三骨骨三皆可折而屈之一骨折為二骨而不殊

故尸俎有併骨二祝昨主婦俎皆有併骨二其實皆  
一骨折二故尸俎以九體得十一之名祝俎以三體  
得五之名昨主婦俎以五體得七之名然則一豕之  
微有二十四體有心有舌以為折俎有離肺以為舉  
肺有剝肺以為祭肺又有祭之之脊不在正脊挺脊  
橫脊之數牛羊剝皮無膚而祭與膳用其腸胃豕不  
剝皮豢腓君子不食故去其腸胃而以其皮為膚以  
尸體九祝三主人主婦五為十佐食三賓一組算其  
數合用二十八塊段如物升俎併髀臄計二十四物



自少四物不可以充俎食也所謂折所謂敝脊破折  
餘體又寧有幾多骨體也耶

主婦俎敝折康成注敝折是折分後右足以為佐食  
俎不分左臑辟大夫公彥釋曰業既夕禮記云明衣  
裳長及敝鄭注云敝足跗也是後足也分後右足以  
為佐食俎者少牢主婦用左臑此士妻辟之不用左  
臑用後右足不用後左足太皐鶴山先生曰鄭億度  
耳。紫陽方氏曰細觀之昨俎至人之俎也臂也正  
脊二骨也橫脊也長骨二骨也短脊也此五而七也

又膚一也離肺一也忽于主婦俎添二字曰敝折下  
文曰其餘如昨俎謂以此一物曰敝之折者以對主  
人俎之臂而曰其餘如昨俎則正脊以至離肺如主  
人可讀也如鄭注則難解下文佐食俎曰敝折脊骨  
為三體則何必于主婦中替敝折二字乎賓鶩一段  
難解不可曉

李秀嵩計特牲飲數 二爵 二觚 四解  
一角 二散

李秀嵩三禮辨曰籩在洗西南順實二爵二觚四解  
一角一散以韓詩外傳攷之則此十器共受二斗七



升也今所設者左壺耳戶東之尊有玄酒焉以投壺之量約之

則容十斗也而一祭之間尸飲七主人飲十主婦飲

八賓與祝皆飲五長兄弟飲八佐食及衆賓長皆飲

四衆兄弟內兄弟舉奠衆賓宗人公有司私臣皆飲

二凡用爵者三十二衆賓衆兄弟皆以三人為率公

私臣皆以用觚者十三用觶者三十一用角者四用

散者二不應受酒十一斗七升然則實之皆不及半

也主人飲十凡六爵二觚一觶一角共受酒一斗七

升即半實之猶為八升有奇而每飲言觶爵則其實

亦未必及半六然不容書也。紫陽方氏曰韓詩外

傳說一升曰爵二升曰觚三升曰觶四升曰角五升

曰敬梓人一爵一升觚二升獻以爵而酬以觚觚當

作觶古字誤獻以一升而酬以二升故曰一獻三酬

酬酒不舉者賓之初受酬者也如旅酬則無不飲矣

三升之觶雖若多酒然古人升小於今人之升也古

禮貴者獻以爵賤者獻以散尊者舉觶卑者舉角觶

當在二升觚之下四升角之上散五升最酒多而卑

賤者飲之此李秀高計算飲數如此然和注侑食洗



散獻于尸之前有六爵皆無算凡六爵無算者不可  
數計也散惟用之一次尸將設而獻之秀嵩所算飲  
數其果然歟

李秀嵩算牲體之數

一牲三十二物

三體辨曰尸俎右肩以下自今約之蓋一牲而折之  
為體者三十有二為敬胥者十有八而又有為羞為  
燔者肝既以為炙矣一肺而離之割之為二十有九  
蓋古者人簡儉不以侈為禮耳。紫陽方氏曰王有  
上中下士上士三命下士一命士則有寢

有廟祭止于用一豕下士中士上士不知諸  
侯不命之士又何如乎以回計此一豕之體曰解體  
二十一之外有曰二髀主人獻尸賓長以肝從曰炙  
主婦獻尸賓長以燔從曰肉今燒肉也并肺之舉離  
剝切則三十二也殺胥十有八容別細攷髀步禮反  
偶計王膳用六牲之數

紫陽方氏曰王膳六牲馬牛羊豕犬雞為六鼎魚入  
庶羞不入鼎牛羊腸胃豕膚脂為三鼎而九鼎九俎  
陪鼎膾腳脰不與日一舉朔日二舉齋日三舉齋則



三太牢也言太牢則少牢在其中矣一年三百六十日致齋三舉約一百日當享三百太牢除三百外有二百六十日為二百六十牢加十二朔又十二牢共計五百七十二牢祭祀賓客在外且曰千牢十年饗萬馬萬牢萬羊萬豕萬犬堯在位百年穆王饗國百年則饗馬牛羊豕犬各十萬牢乎諸禮經並不言馬如何食亦當有三十二體而無馬矣馬截馬修脯馬腸胃之說其具于禮而實不宰乎韓魏公之課萬羊未足多也今日有大會動饗五百千者間用馬牛亦

盛矣古人拳大令人無之所以祭祀賓客不用犬

春秋左傳士會殺晉杜預注體薦羊解其體。

折俎體解節折既奠食殺晉無文。士特牲

九體大夫少牢十一體。諸侯天子俎體無

文。體解節折俎有殺烝

春秋宣公十六年冬晉侯使士會平王室定王饗之原襄公相禮殺晉杜預注烝升也升殺于俎武子私問其故注饗當體薦而殺烝故怪問之武子士會謚季其字王聞之召武子曰季氏而弗聞乎王饗有體



薦注饗則半解其體而薦之所以示恭儉宴有折俎  
注體解節折升之于俎物皆可食所以示慈惠公當  
饗卿當燕王室之禮也武子歸而講求典禮以脩晉  
國之法。正義曰禮升穀于俎皆謂之烝鄭玄詩箋  
凡非穀而食之曰斂切肉為斂乃升于俎故謂之斂  
烝若公侯來朝王為設饗則當有體薦薦其羊體亦  
謂之房烝武子謂已被王饗亦當有房烝今乃斂烝  
故怪而問之王為公侯設宴禮體解節折升之于俎  
即斂烝是也其物解折使皆可食共食啖之所以示

慈惠也其宴飲斂烝其數無文若祭祀體解亦特牲  
饋食禮有九體則肩一脰二膋三肫四胔五正脊六  
橫脊七長脅八短脅九此謂士禮也若大夫禮則十  
二加脰脊代膋其諸侯天子無文或同十一五等諸  
侯總名為公故云公謂諸侯親來則為之設饗又設  
燕也饗用體薦宴用折俎若使卿來雖為設饗仍用  
公之燕禮亦同折俎是王室特賓之禮也。紫陽方  
氏曰此疏以羊體為饗禮之體薦為房烝則陳祥道  
以體解二十一節為房脊非也此疏以體解折節為



燕禮之折俎為醑烝則陳祥道不解醑烝其故何也  
祥道捨士會問醑烝不言指豚解體解為全脊決然  
不可也既曰全脊焉用解郊祭天禘祫祖宗用全體  
亦有豚解體解鄭玄所謂四鬣七體乃士喪禮之豚  
解曰謂祭祀之全脊全體也饗禮之房脊體薦羊體  
也敬烝之體解節折乃醑烝也故曰宴有折俎也鄭  
玄云四鬣七體正是喪祭用之引禮運以證曰腥其  
俎為豚解乃喪祭之豚解必非全脊別是一件禮物  
饗禮之所謂房脊所謂體薦乃羊體之薦不可以體

解二十一物為說其體解二十一物乃折俎七乃醑  
脊也如此而後說可通康成解特牲折字為醑脊皆  
非不可據而陳祥道誤以豚解為全脊于禮傳並無  
所據

陳祥道全脊自為二說

崇陽方氏曰祥道以豚解七體為全脊王郊祭天禘  
祫宗廟用豚解七體而已乎有牛有羊有豕而郊壇  
有全脊之犢祥道體書第八十八卷論圜丘之祭先  
王燔瘞于郊丘其牲角繭栗其牲體全脊注國語曰



郊禘之事有全胄如此則角繭之犢全字解字全胄  
非豚解明矣

國語說全胄房胄敬胄。全其牲體而升于俎  
。半解牲體而升于俎。體解節折而升于  
俎

孔穎達正義論全胄房胄敬胄謂國語說此尤詳引  
其文附此王石季曰子弗聞乎禘郊之享則有全  
胄王公立飲則有房胄親戚宴饗則有敬胄皆作烝  
今叔父使士季實來唯是先王之燕禮以示容合好

將安用全胄法國語者皆云禘祭宗廟郊祭天地則  
有全其牲體而升于俎謂之全胄王公立飲猶饗禮  
也禮之立成者名為飲半解其體而升于俎謂之房  
胄傳言體薦則房烝也親戚宴饗則宴饗禮同皆體  
解節折乃升于俎謂之敬胄此傳畧而文猶是敬意  
故注皆取彼解之。紫陽方氏曰穎達此疏全其牲  
體而升于俎謂之房胄豈祥道豚解七體半半解牲  
體而升于俎祥道謂體解二十一體可乎體解節折  
而升于俎為折俎為敬烝祥道何故以折俎解房烝



而不解敬然乎其誤也根于康成

魯頌籩豆大房證全脊

紫陽方氏曰偶憶魯頌函宮有曰白牡騂剛犧尊將  
將毛魚載羹籩豆大房按呂東萊讀詩記見所記以  
大房為全脊謹書諸此。呂東萊記毛曰毛魚豚也  
大房半體之俎也孔氏曰大房明堂位曰周以房俎  
房謂足下跗也上下兩間有似於堂房然知是半體  
昔國語云郊禘之享則有全脊王公立飲則有房脊  
親戚燕饗則有殺脊如疏文次全脊謂全載牲體殺

脊謂體解節折則房脊是半體可知

古今攷卷 三十五 終



古今攷卷之三十一

宋 紫陽方 回萬里續

明 上海王 折洪洲較

四明謝三賓象三定

特牲士禮主人俎曰胙俎。有司徹大夫禮有

胙俎

膳夫凡王祭祀賓客食則徹王之胙俎。紫陽方氏

曰胙俎謂祭祀賓客天子之俎也。今融會注疏簡其

辭祭宗廟有胙俎謂若特牲少牢主人受尸胙尸東



西面設主人俎於席前王受尸酢禮亦當然所以鄭  
注膳夫親徹昨俎昨俎最尊也其餘則其屬徹之此  
祭祀之昨俎也賓客食謂注與賓客禮食于廟賓在  
戶牖之間王在阼階上各有饌皆設俎故亦有昨俎  
亦膳夫親徹此賓客之昨俎也。特牲饋食士禮少  
牢饋食大夫禮有司徹有昨俎主人之俎也別見骨  
體數內

天子賓客禮食與公食大夫不同公食大夫君

前無食

公食大夫主君與聘大夫禮食賓前有食替前無食  
退俟于廂此天子諸侯禮食王前有食俎者天子于  
諸侯其禮異于諸侯與聘大夫故王前有俎云。紫  
陽方氏曰公食大夫禮食他國來聘之大夫也七鼎  
七俎燕尊設飲酒漿飲俟于東房六豆黍稷六簋牛  
豕羊魚腊腸胃膾醢醬菹醢大羹滂贊者告具賓升  
祭告備賓又祭公揖退于廂賓三飯三飲賓出則三  
牲六俎歸于賓館此所謂公食大夫君前無食也主  
食不主飲所以不設主人無酬酢之體不用樂



凡祭祀致福受而膳之  
凡祭祀之致福者受而膳之注致福謂諸臣祭祀進  
其餘肉歸胙于王鄭司農云膳夫受之以給王膳正  
義應云致膳而云致福者凡祭祀主人受福若與王  
受福然故云致福知諸臣有致胙法者按春秋左氏  
昭十六年子產云祭有受脰歸脰注受脰謂君祭以  
肉賜大夫歸脰謂大夫祭歸肉于公也今彼雖據諸  
侯禮王之臣致胙亦然。紫陽方氏曰古人重祭之  
胙肉春秋僖九年王賜齊桓公胙孔子燔肉不至行

其重如此今之學者於釋奠禮畢觀初獻官飲福受  
胙惟此禮近古明日諸生分胙肉各得一鬻又鄉里  
祭社各分肉以歸亦古胙肉也古天子之臣祭於宗  
廟而歸胙於君六牲之一毛也宰夫受之以膳王古  
人質朴或然也後世天子郊廟不講此禮第費賞賜  
金帛以萬億計則太過雖大臣祭其先僅從俗禮家  
人之饌無殺牲之獻則未嘗有以肉進君之事也

新為臣之摯受以給王膳

以摯見者亦如之疏謂卿大夫以下新任為臣者卿



執羔大夫執鴈士執雉來見王亦如之昔先鄭云亦  
受以給王膳也。紫陽方氏曰如此則王之所受羔  
鴈雉不亦夥乎天子一日之膳所殺衆矣六牲中不  
云羔鴈雉有大雞羔小羊也以給王膳天子有九官  
三夫人九嬪凡牲舉其大不言其細所用之處亦不  
勝其多後世廢此禮久矣

耆老孤子士庶子之饗 漢饗衛士

外饗饗耆老孤子則掌其割烹之事饗士庶子亦如  
之注孤子者死王事者之子也士庶子衛王宮者若

今時之饗衛士矣王制曰周人養國老于東膠養庶  
老於虞庠正義曰死事者之子謂若左氏哀公二十  
三年晉知伯親禽顏庚至二十七年齊師將興陳成  
子屬孤子三日朝設乘車兩馬繫五邑焉石顏庚之  
子而賜之是其禮孤子之法者耆老謂死事者之父  
祖兼有國老庶老。紫陽方氏曰孤子易曉也尋常  
讀者老二字謂老者而已今正義謂為死事者之父  
祖乃知回讀甚不審細者多矣漢功臣表襄平侯紀  
通以父成死事侯即顏庚子之邑也漢武帝有羽林



孤兒死事者之必祖養于有司而與饗禮用之後漢  
唐未有攷也武王伐紂豈無死事之兵卒成王伐淮  
夷亦恐有死事者後來兵寢刑措四十餘年漸無之  
矣

饗士庶子饗耆老孤子無酌數

酒正凡饗士庶子饗耆老孤子皆共其酒無酌數注  
云要以醉為度。紫陽方氏曰此文兩下饗字殆饗  
之時不同乎以醉為度無酌數王親饗之必亦以膳  
夫為至人必不如王昭萬之說饗禮之禮酒盈而不

敢飲也試嘗歌文王鹿鳴伐木之詩恐是時未有饗  
燕之分上思逮下下情通上畧君臣之勢而厚主賓  
之歡待孤子耆老與士庶子亦猶是耳與宗廟大饗  
又不同而周天子饗禮俱亡故學者多一偏之論

王膳飲凡二十四官

紫陽方氏曰王日一舉朔日二舉齋日三舉膳也饗  
燕小事飲酒漿也凡二十四官具于后

膳夫所掌前已備書。庖人掌共畜獸禽辨其名物  
膳羞好羞。內饗掌內之膳羞割烹煎和。外饗掌



外祭祀割烹脯羞刑膳。烹人掌共鼎鑊饗烹莫。甸師掌耕耨入齎共藟茅野果蔬。獸人掌畧田獸入腊人筋角毛皮。獻人掌獻梁辨鱻羹。鼈人掌取互物籍魚鼈龜蜃。腊人掌乾肉脯腊臘胖。醫師掌聚毒藥共醫事。食醫掌和食飲膳羞醬珍齊和。疾醫掌萬民病有五藥等養病。瘍醫掌腫潰金折四瘍。獸醫掌療獸病。酒正掌辨五齊三酒四飲。酒人掌為酒役世婦不可晚。漿人掌共六飲。凌人掌冰膳食不可無冰。籩人掌四籩之實。

。醯人掌四豆之實。醢人掌凡醢物。鹽人掌苦鹽散鹽形鹽。冪人掌共巾冪八尊六彝。

紫陽方氏曰自膳夫至冪人二十四官皆王后世子膳飲之事而醫師食醫疾醫瘍醫獸醫五官與其間何也食醫學和王之六食六飲六膳百羞百醬八珍之齊凡食齊膳春時飯宜温羹齊膳夏時羹宜熱醬齊膳秋時醬宜涼飲齊膳冬時飲宜寒凡和春多酸

夏多苦秋多辛冬多醎調以滑甘注各尚其時味而甘以成之猶水火金木之載于土內則棗栗飴蜜以凡會膳食之宜生甘之薑苴枌榆兔兔滫髓以滑之



宜稌羊宜黍豕宜稷犬宜梁雉宜麥魚宜菰

會成也  
稌種也

雅曰稌稻也菰雕胡也凡君子之食嘗放焉回謂此醫似非察

脈視病用藥之醫醫師為五醫之長而食醫屬焉其

和齊必古法有所傳疾醫瘍醫亦王左右之所不可

少獸醫則相視王庖所烹宰之禽獸其有病者去之

如今死馬食者必病也貴人之家早起日以醫視脈

則王之起居不可一息無醫望色聽聲知其病之所

在起居飲食相為用此五醫所以在膳夫庖人酒人

漿人之儕也膳夫為食官之長上士二人中士二人

下士八人府二人史四人胥十有二人徒百有三十

人其任可謂重矣庖人者賈八人主市買知物價者

實不掌庖厨之事掌烹者自有烹人內饗外饗烹人

分任鑿易之事甸師掌耕種藉田收粢盛蕭茅果蠃

喪事代王受青疋若黍稷不馨使鬼神不逞于王既

殯太視作禱辭授甸人使以禱藉田之神受疋青免

後殃古何為有比制國家何用此事也同姓有罪則

死刑說者謂有議親之典必同姓絕服而犯死罪不

隱於市付甸師殺之文王世子曰公族有死罪罄



旬人磬字奇又兼其薪蒸其權重故胥三十人徒在  
百人獸人掌旬獵腊人掌乾肉腊臘胖四其名獻人  
掌魚梁為筍而不言網罟荆湖多魚回從今呂公左  
丞向來經過復州界魚湖戶小船迎逐一鳴榔撒網  
魚滿網矣數網滿船畧取之縱其去數千魚戶利入  
于州司甚博兩次失江險北兵渡皆魚戶頭目困于  
剋剝往為鄉導也東吉元守復州州治前河道太守  
之魚也十二月網之一日水落六尺之魚多出于水  
在河則鱗物厚六尺也多乎哉鱉人又為一官藉互

物有介甲者龜鼈鱉鱉莫結反鱉乃蚌蛤之類

貍物若鰕鱈之類凌人則膳飲所需不可無水鑑音濫

曰甄也音繼賈疏謂今之甕大喪其夷槃冰夷之言尸

也賣冰于夷槃中置之尸牀之下所以寒尸也槃曰

夷槃牀曰夷牀衾曰夷衾移尸曰夷于堂漢禮器制

度大槃廣八尺長大二尺深三尺漆赤中凡高廣長

深之字皆去聲俗多作平聲賈疏謂叔孫通所作下

文籩以竹為之形如豆容四升而經尺柄尺亦云叔

孫通所作用之籩豆不可得知叔孫通以意為之故



又曰叔孫通制禮器漢書所無也李心傳曰曾子曰  
籩豆之事則有司存後世禮文放逸官失其方為若  
子者則亦當講求古制脩其禮物以授有司益不容  
畧也然則此正上之所留意也豆籩曰謂天子三十  
有二秀菑謂三十六恐不然醯醢道壘韜總名謂之  
醬不止今日曬之醬豆醬麥醬如蠶醬蠶胡蓮切  
似蟹可以為醬蛤蚶醬魚酢醬皆是苦鹽李心傳謂之顆鹽  
西北有之回至草地達人見惠曾食而今教化平章  
往為奉御過回家見此物嗔不合擅藏御膳散鹽今

淮浙固廣鹽形鹽人為飴鹽謂恬鹽戎鹽也秀當謂  
蜀水諸郡廣安大寧井鹽鹹而恬解池鹽回未識草  
地鹽出草積中西域鹽生竹木間未識冪尊疏布畫  
布玉巾以黼陳祥道畫為圖此二十四官大畧也  
膳夫為食官之長醫師為五醫之長。庖人有賈  
八人甸師之徒三百人。喪事代王受肯灾同姓  
有罪則死刑。甸師共薪蒸獻人梁笱不言網。  
兩失江險皆魚戶彼州多魚。冰鑑音濫甄音繼  
漢大喪夷槃制度。叔孫通制禮器漢籩尺寸



高廣長深皆去聲草地鹽

右十六事並見前段議論中此題目也他做此  
酒漿籩醢醢鹽冪奄女奚

酒人奄十人女酒三十人奚三百人漿人奄五人女  
漿十有五人奚百有五十人籩人奄一人女籩十人  
奚二十人醢人奄一人女醢二十人奚四十人醢人  
奄二人女醢二十人奚四十人鹽人奄二人女鹽二  
十人奚四十人冪人奄二人女冪十人奚二十人注  
奄精氣閱藏者令謂之官人月令仲冬其器閱以奄

于檢及女酒女奴饒酒者也女漿以下做此古者從  
生男女没入縣官為奴其少才智以為奚今之侍史  
官婢或曰奚官女。紫陽方氏曰近代無從坐没入  
官為奴婢之法北方以其墮則有之近代法之不善  
者宦官進子宮無罪之人良人女犯姦三人以上理  
為雜戶斷脊杖送妓樂司收管是以州郡無行之弟  
子世世養女為侍官司筵席祗應穿髻紅大衣服冠  
佩送迎朔望隨衆唱喏如男子今日遂無之

共祭祀之好羞鱧魚蟹胥

鱧側雅切



庖人共祭祀之好羞注謂四時所為膳食若荆州之  
鱧魚青州之蟹胥雖非常物進之孝也正義曰尋常  
所供並在內外饗令言好羞是非常之物謂美魚之  
屬好呼報反鶴山先生曰未必然  
共喪紀之庶羞

庖人共喪紀之庶羞注喪事之祭謂虞祔也正義曰  
凡喪未葬已前無問朝夕奠及大奠皆無薦羞之法  
今言共喪紀庶羞者虞祔之祭乃有之

共賓客之禽獸會獸對文散文。雌雄牝牡對

文散文四足而毛未孕曰禽

庖人共賓客之禽獸注禽獸會于賓客獻古文為  
獸杜子春云當為獻正義曰凡鳥獸未孕曰禽爾雅  
四足而毛曰獸附足而羽曰禽是對文例若散文則  
通獸未孕時雖四足而曰禽是以名為禽獸其中亦  
有羔豚犢麋又云以禽作六摯禽中亦有羔謂若爾  
雅飛曰雌雄走曰牝牡亦是對文案詩云雄狐綏綏  
走亦曰雄尚書曰牝雞無晨飛亦曰牝並是散文通  
義司馬職曰大獸公之小禽私之。紫陽方氏曰禽



獸皆可稱曰禽司馬職大獸公之小禽私之謂禽獸  
之小者曰小禽也通稱也不但四足未原曰禽也所  
以凡獻禽獸于賓客總曰禽獻  
備品物為薦致滋味為羞。生肉為解乾肉為  
薦。庖人死生鮮羹之物薦羞之物注薦亦進也備品物  
曰薦致滋味為羞王言薦者味以不襲為尊鮮謂生  
肉羹謂死肉。滎陽方氏曰后世子言膳羞故注特  
別言主之薦羞以所進不同

羔豚膳膏香牯鱠膳膏臊。犢麋膳膏腥羶羽  
膳膏羶

庖人凡用禽獸春行羔豚膳膏香夏行牯鱣膳膏臊  
秋行犢麋膳膏腥冬行羶羽膳膏羶注用禽獸謂煎  
和之以獻王牯乾雉鱣乾魚羶鮮同魚也羽雁也鄭  
司農云膏香牛脂也以牛脂和之膏臊豕膏也杜子  
春云膏臊大膏膏腥豕膏也膏羶羊脂也玄謂膏腥  
雞膏也

羔豚物生而肥犢與麋物成而充。牯鱣腥熱



而乾魚雁水涸而性定  
康成曰羔豚物生而肥犢與麋物成而充踞鱗膜契  
而乾魚雁水涸而性定此八物者得四時之氣尤盛  
為人食之弗勝是以用休廢之脂膏煎和膳之牛屬  
司徒土也雞屬宗伯木也犬屬司寇金也羊屬司馬  
火也。鶴山先生曰此說未然。紫陽方氏曰內則  
此四句康成注此八物四時肥美也為其太盛奠以  
休廢之膏節其氣也禮記香作薌牛膏薌犬膏臊雞  
膏腥羊膏膾如康成之說古人于王獻之禽春夏秋冬

冬奠膏不同以休廢之味節王氣何其拘也此所以  
不可無食醫歟乾雉乾魚此二物于夏食之何謂肥  
蓋豚羔犢麋皆未孕四足之禽宜有益于人又何必  
節其氣鶴山以為未然是矣

附脾肺心肝腎五物祭五祀且論戶行脾腎皆  
有主尸

脾腎五祀皆有主先祭主後迎尸月令孟春祀戶祭  
先脾于廟有主有尸用特牲膋于奠設主于戶內之  
西制脾及腎為俎奠于主北祭肉脾一腎再徹之更



陳鼎俎設饌于筵前迎尸如宗廟之禮孟冬祀行祭  
先賢行在廟門外之西為較壤厚二尺廣五尺輪四  
尺北面設主于較上乃制腎及脾為俎奠于主南祭  
肉腎一脾再其他皆如祭尸

附論膳夫至冪人二十四官名物數

膳夫食官之長詩仲允膳夫膳之言善今時美物曰  
珍膳上下中士有史肩徒並不書。食飲膳羞食飯也飲  
酒漿也膳牲肉也羞有滋味者以養王及后世子進  
物于尊者曰饋。食用六穀稌黍稷粱麥苽苽雕胡也稌稻

也。膳用六牲馬牛羊豕犬雞。飲用六清水漿醴  
醎醑醬。羞用百有二十品羞出于牲及禽獸以備  
滋味為庶羞下大夫十六上大夫二十。珍用八物  
淳熬淳母炮豚炮牂擗珍漬熬肝膋制度已見前。醬用  
百有二十甕醢醢醢人共醢六十甕醢人共醢六十  
甕。王日一舉朔日加一舉齊日三舉齊必變食殺  
牲盛饌日舉后與王同庖后不特殺一日食有三時  
日中而餽以樂侑食齊日不侑樂。鼎十有二物馬  
牛羊豕犬雞魚或非腊腸胃膏脚臠臠牢鼎九物謂



牢鼎之實膚以上至馬也亦九俎陪鼎三脚膳饒無  
俎。授祭品刲肺也脊也禮飲食必祭品嘗食每物  
皆嘗之卒食以樂徹于造造作食之故處火熟者先  
君子備火齊不得大荒大喪大札天地有災邦有大  
故大荒凶年大札疫癘日月晦食地震動寇戎刑殺  
不舉謂不殺牲亦謂不舉樂司寇行戮君不舉樂膳  
夫不舉不殺牲。王燕食謂日中食謂夕食奉朝之  
餘膳贊祭羊肉。祭祀賓客徹胙俎稍事小事飲酒  
設薦脯醢王燕飲酒主人當燕賓膳夫代為獻主君

不敵臣燕義諸侯宰夫為獻主。掌后世子膳羞主  
其饌之數。不會凡內修修脯也致福受而膳之諸臣  
祭祀歸胙以摯見亦如之摯羔鴈雉不言工商雞鶩  
王后世子膳不會

庖人庖之言包裹肉曰苞苴賈八人賈主市買知物  
價。六畜六牲也始養之曰畜將用之曰牲卜日曰  
牲。六獸麋鹿熊麇野豕兔玄謂常有狼而熊不屬  
。六禽雁鷄鶩雉鳩玄謂于禽獸及六摯宜為羔  
豚犢麋雉雁恐不然鳥獸未孕曰禽。凡其計數之



有一其孰不解之。魚鱸與鮮同謂生肉。菹謂死肉。若老  
反。備品物曰薦。致滋味乃為羞。祭祀好羞。荆州鱸魚  
青州蟹胥。裘紀庶羞謂虞祔。禽獸春夏秋冬行  
行用也。羔豚昭饗。鱠鱠膏香。臊腥羶腊。乾雉鱠  
乾魚鱸魚也。羽雁也。香牛脂臊犬膏腥雞膏羶羊脂  
羔豚物生而肥。犢麋物成而充。腊鱠膜熱而乾。魚雁  
水涸而性定。牛屬司徒土也。雞屬宗伯木也。犬屬  
司寇金也。羊屬司馬火也。八物得四時之氣尤盛。用  
休廢之脂膏煎和之膳羞是正王及后。不會禽獻是

加世子會王后。世子皆可以禽獻于賓。惟會世子恐  
未然乃注之。妄云。內饗割亨煎和割肆解肉也。亨煎也。煎熬也和齊以

五味。肆託暨反辨體名脊脅肩臂臑之屬。前臑周人  
所貴。淮南子周公前臑不絕于前。辨肉物裁膳之屬。  
臑音燔。或詩或燔。或炙注燔是肉炙是肝。附嘉穀脾  
亦作燔。燔今臑脾五祀戶祭行用脾兼用腎。則今腰子也。  
臑口上曰臑口下曰函。毛氏曰臑函也。說文云函古  
也。又曰裏肉也。此殆牲唇如猩唇者。辨百品味庶



羞之屬取于鑊以實鼎取于鼎以實俎實鼎曰胄實  
俎曰載胄亦升俎選百羞珍物恒選擇其中御者牛  
廋羊羶犬臊鳥狸於布反豕星馬蟻前已備書

內饗不掌外神故云宗廟之祭祀禘祫月祭等共羞  
脩刑臠胖骨鱠脩鍛脯也加薑桂鍛治之為鍛脩亦  
曰鍛脯不加薑桂不鍛治直謂脯此修脯之異者胖  
如脯而腥者乾則為脯不乾而腥謂之胖普半反師仲  
刑臠夾脊肉非或曰膾肉無所出骨鱠謂骨有肉非  
骨自是體鱠自是魚乾臠火吳反凶武反玄謂刑

劓美特牲有劓美盛豕臠臠豚肉大鬻豚直軛反之  
涉反所以祭者魚肉總有公食大夫禮庶脩皆有太  
謂大鬻據肉而言如此則魚有臠謂之大骨牲體若  
體解十一雖據骨而言骨有肉鱠夏行脍鱠同義  
外饗掌外祭祀割亨殮容始至之禮饗既將幣之禮  
致禮于容莫盛于饗聘日致饗急歸大禮康成語將幣  
者聘享也諸侯來朝亦朝日致之有飪有腥有牽又  
有酒米魚燕與食又多芻薪米禾饗皆老孤子士庶  
子耆老死事者之尸祖燕有國老庶老孤子死事者



之子士庶子衛王宮者若今時之饗衛士喪事陳鼎  
俎殷祭虞祔皆有鼎俎士喪禮小歛一鼎大歛三鼎  
朔日祭如之月半不殷奠薦新如之

烹人主為內外饗奠肉共鼎鑊鑊所以煮肉及魚腊  
之器既熟乃嘗于鼎齊多少之量少牢饗在廟門之

東大夫五鼎羊豕腸胃魚腊何不言膚各異鑊鑊別

有一鼎鑊中肉熟各升一鼎王十二鼎六牲六鼎腸

胃魚腊膚三鼎或謂天子膳腳脰三鼎曰陪鼎正鼎

九有九俎天子所享廣衆常用鑊不可數計饗今之

竈周禮儀禮皆言饗論語王孫賈始言媚竈禮記祭

法天子七祀有竈月令孟夏其祀竈皆孔子後書大

羹肉湑不致五味鉶羹加鹽菜牛用藿羊用苾豕用

薇卽腫腳脰也盛于鉶器為鉶羹盛于豆為庶羞

甸師郊外曰甸師猶長也主共野物官之長率厲耕

耨王籍耨耘芋也芋音云或音運王以孟春躬耕帝

籍天子三推三公五推諸侯九推庶人終千畝謂徒

三百人籍之言借也王一耕之使庶人芸芋終之以

共盛盛音資以時人之謂麥夏熟黍秋熟穫之



送入地官神倉籍田之穀衆神皆用獨言帝籍舉尊  
言之上帝之帝也。盥盛祭祀所用穀也。粢稷也。粢卽  
盥穀者。稷為長月令中央土食稷與牛五行土為尊  
始知稷為五穀長爾。雅以穀為粢。通言六穀皆是粢。  
大宗伯云。辨六粢之名物在器曰盛。祭祀共蕭茅。鄭  
大夫衆云。蕭字或為蒿。讀為蒿。非是。詩取蕭祭脂。蕭  
香蒿也。郊特牲。蕭合黍稷。臭陽達于墻屋。既奠然後  
炳蕭合馨香。鶴山先生曰。合馨香是也。鄭衆以蕭茅  
為一物。非。杜子春讀為蕭。是饋獻之後。陰厭取蕭與

脂黍稷共燔之。茅以共祭之。苴亦以縮酒。齊桓責楚  
包茅不入。東茅立之。祭前沃酒。其上酒滲下。若神飲  
之。鄭大夫之說。茅是也。以蕭字為蒿。則非是。共祭之  
苴。士虞禮束茅長五寸。立于几。東謂之苴。苴以籍祭  
亦指士虞禮也。縮酒。左氏管仲辭是也。康成又云。縮  
酒。泝酒也。醴齊縮酌。此司尊彝職文。司巫祭祀共藉  
館茅。以為藉。藉卽苴。兩官共供茅。謂甸師共茅。與司  
巫司巫為苴。以供宗廟是也。鄉師大祭祀供茅。藉謂  
祭天時也。共野。畧畝之屬。甸在遠郊之外。郊外曰野。



果桃李之屬菰瓜瓠之屬

菰力果反  
瓠大結反

菰事代王受責

菰前已詳書同姓有罪則死刑公族無宮刑前已詳

書率其徒以薪蒸役外內饗之事徒人三百之徒給

內外饗之役大曰薪小曰蒸

獸人掌畧田獸畧也冬獻狼夏獻麋狼膏聚聚則

温麋膏

以故時之苦春秋獻獸物凡獸皆

可獻及狐狸內則狸去正脊皆可食弊田弊什也什

而田止

夏車弊秋羅弊冬徒弊守畧備獸觸

令禽注于虞中謂虞人釐所田之野植虞

旗于其中致禽而珥主令田衆致禽其中以給四時

廟祭春獻祭社夏獻享禴秋獻祝祊冬獻享烝大獸

公之輪於虞中小獸私之致禽而珥焉珥取左耳以

致功若斬首折馘故春秋傳曰以數軍實兵甲器械

為軍實斬首亦軍實生執俘囚亦軍實晉捨秦囚先

軫曰墮軍實凡獸入于腊人皮毛筋角入于王府。

崇陽方氏曰田獵以野獸給四時宗廟之祭則在牛


羊豕魚腊腸胃膚之外亦盛矣

魚人字從省文為梁梁水堰也徒三百人堰水為梁



空以筍兼其空正義空作孔符者葦蕩求其閑孔魚  
過取之詩淑筍在梁詩魚麗于留卽曲梁寡婦之符  
玉鮪季春三月鮪新來玉鮪鮪之大者薦于寢廟廟  
之寢魚鱸生薨乾一歲三時五取魚孟春獺祭魚取  
十月獺祭魚取季春薦鮪取鼈人秋獻龜魚取季冬  
漁人始魚取正義此說拘于魯語宣公夏濫于泗淵  
里革諫之非時魚者之租稅。紫陽方氏曰魚人為  
梁為筍取魚而曰寡婦之筍豈文王時澤梁無禁之  
謂乎周閔中之地自西戎至北狄南界蜀漢東抵滄  
華函谷有黃河焉有涇渭焉有灞滻無窮之水焉不  
言網罟則黃河及凡大水皆不漁乎公家第以寡婦  
之筍取魚玉鮪之大者豈葦蕩閑孔之所能容乎其  
徒止四十入豈官不親漁而聽民自漁不許鳩澤不  
許為網而以分數入官乎故曰凡魚征入于王府師  
仲謂漁者之租稅近世荆湖魚利前已言之東南鱉  
鱸之征古亦無此

古今攷卷三十六





[Faint, illegible text on the left page]

[Faint, illegible text on the right page]



